

Sa gro nyaz
nwanr dan
Lasanble (P2)

VOL.1 NO:16
PeoplePLUS

8 August 2017

NOU'N RETOURNEN AVEK EN LAFORS

Aktivis e sipoter i annan en mesaz kler pour pase; zot in retourn avek en lafors pour siport sa Parti ki zot rekonet in fer bokou dibyen pour zot.



I pa'n anpese ki serten aktivis in fer remarke ki se gras a serten fot ki Parti in fer dan lepase ki'n fer li perdi en pe sipor. Prezidan Parti

Lepep, Msye Vincent Meriton ek depite Sekreter Zeneral Parti Simon Gill in rasir sa bann dimoun ki Parti i admet ki i pa parfe, e ki o

kour son travay in komet serten fot me ki la Parti pe vir en nouvo paz pour li kontinyen travay pour lavenir Sesel.

(Kont...p2)

NOU'N RETOURNEN AVEK EN LAFORS

(Kont...p1)

« Si pandan 40 an nou pa'n fer okenn lerer savedir nou pa'n fer nan-ryen. Me lefe ki nou'n travay e transform Sesel e lavi Seselwa, i annan serten lerer ki'n ganny fer e nou pe korize anmezir ki nou ale. » Prezidan Parti in dir ki malgre sa, i toultan tre enportan pour ki Seselwa i rekonesan anver bokou dibyen ki Parti in fer pandan sa 40 an. Ozordi i vwar li dan en klima politik tre diferan, kot gouvrenman ki lo en platform Parti Lepep, i bezwen travay an koabitasyon avek en mazorite LDS dan Lasanble.

Erezman i ti dir, ki

Prezidan Danny Faure i en onm entelizan, brav, e determinen pour li met lavenir Sesel par lao politik partizan e par lao politik divizyon. « Annou siport li. Annou konpran son travay. Mwan koman son Vis-Prezidan e Prezidan Parti Lepep mon respekte son kouraz e lwayote. »

I ti azoute ki sa ki Prezidan Faure i pe fer i ganny karakterize par sitiasyon ki i ladan. Me i en zanfan SPUP. I reste en zanfan Parti Lepep. Parti i'n pas atraver sekous, tel ki an 2015 ler i ganny pouwar par selman 193 vot, apre ki in al dan 2zyenm tour. Lot sekous sete an Septanm

2016 ler Parti ti perdi son mazorite dan Lasanble. E apre sa, Prezidan Michel in demisyonnen.

« Konpran sitiasyon Prezidan Faure pour met Sesel premye, » Msye Meriton ti dir.

KONSERN PIBLIK PE GANNY ADRESE

Sak partisipan sa bann miting ti vin avek diferan aspirasyon ; pour war zot lavi personnel amelyore, zot Parti releve e zot pei prospere. Serten zot in pas serten konsern ki zot rankontre. Serten i annan pour fer avek serten bord oswa lazans ki pe tarde pour donn en larepons.

Msye Meriton in eksplike ki Prezidan Faure in apwent bord e in donn zot pouwar pour travay. «Pouwar i vin avek responsabilite. Le bi se retir fristrasyon. Bord pou bezwen delivre baze lo sa trwa prensip fondamantal ; rann kont, latransparans e bonn gouvrenans. »

I ti rasir sak dimoun ki koman sitwayen Sesel zot annan zot drwa. Mal koze i fer diskisyon me byen koze i fer byen konpran. Ozordi dan Sesel i annan linite. E senbol sa linite nasyonal se Prezidan Faure.

SA GRO NYAZ NWANR DAN LASANBLE

Parti pou rebran son Lasanble dan prosen eleksyon. Bastyon La Digue ek Baie Ste Anne i pli for, e Grand Anse Praslin siporter i dir « nou'n retournen avek en lafors. »

Tou siporter i'n dakor ki i annan rezon pour Parti Lepep kontinyen egziste. Parti i krwar dan linite e stabilite Sesel. I krwar dan progres kontinyel. I krwar dan laznes Seselwa. I krwar dan lepep Seselwa.

San Parti Lepep napa stabilite. Napa linite. Napa progres. Sa ki Parti Lepep in pas ladan pa pe zis ed li vin meyer koman en parti politik, me i pe vin pli for. Gouvrenman pe vin pli efikas. Lavenir Sesel i briyan.

PARTI PA ZIS EGZISTE ME I PE VIN PLI FOR

Serten partisipan in koz lo sa gro nyaz nwanr dan Lasanble ; ki vedit en kalite politik rankin ek vanzans ki fer lopoziyon imilye lezot parfwan okenn rezon. Zot servi spekilasyon oswa alegasyon pour akiz endividi ki annan konviksyon diferan avek zot.

Siporter in dir ki in ler pour tou Seselwa realize ki malgre nou lopinyon politik i diferan, ki nou merit pran an kont kot nou sorti e kot nou'n arive. Fodre en kominote i viv koman en fanmiy, e Seselwa i viv koman en pli gran fanmiy.